

# 109學年度大鵬國小語文競賽-客家語朗讀文章

編號 1 號

## 【吾个阿姆】古美珠原作

吾个阿姆，厥个面圓圓，頭那毛當長，有一對又圓又金个目珠，看著人就笑咪咪仔，生來當靚、當燈線，係一個有愛心又有耐心个人。平常時，除忒照顧 兜三姊妹，對吾公、吾婆也當有孝，親戚朋友、隔壁鄰舍，通體阿 佢係一個當賢慧个婦人家。雖然屋下毋係異好額，毋過佢有客家人刻苦耐勞个美德，勤儉傳家个精神，總係撈屋下拚掃到淨淨俐俐、好勢好勢，佢講：「毋驚屋下窮，總愛大細有笑容， 就當滿足了<sup>1</sup>。」

吾姆會煮當多好食个客家料理，像蘿蔔乾煎卵、芹菜炒魷魚、木米炒黃梨、鹹菜湯這兜，還有 最愛食个爌肉。佢盡遽手，逐擺大姑同二姑來屋下个時節，佢會煮歸桌仔大家好食个客家菜，分大家食。

記得吾姆識講過，愛出頭天定著愛認真讀書，雖然 兜三姊妹係細妹仔，毋過，佢對 兜个教育盡用心，毋會儘儘採採，放學轉去，佢定著愛 兜撈功課寫忒正做得出去奈。記得有一擺，

為著愛出去奈，字就儘採畫畫啊，一下仔就瀉出去，吾姆看著就砰砰滾講：「鬼畫圖樣仔，搞得著來食嘅？寫該麼个字？重新寫過！」佢愛 做事情，定定仔來，毋好鬥緊。心愛靜、手愛穩，寫字做事千萬做毋得馬虎。到今， 寫字定著規規矩矩，定定仔來，寫到靚靚，別人看咁欣賞， 自家看咁歡喜。

吾姆除忒會要求學校个功課愛做好以外，佢對 兜个家教也當看重，像掃地泥、抹桌凳、洗碗這兜，連食飯擎筷仔，通體都愛做到確確實實，吾姆對 兜講：「屋愛日日掃，田愛日日到，書愛時時讀！」又講：「一日學習一日功，一日毋學十日空！」就係愛 認真讀書。 發病仔个時節，佢會日合夜照顧 ，天時轉涼，會喊 著加一領衫。

這下， 愛感謝吾个阿姆，伸出佢溫暖个雙手，牽等 向前行。 愛吾姆， 定著愛聽吾姆个話，認真讀書，做一個規規矩矩，正正當當个人，來報答厥恩情。

<sup>1</sup> 表完成的語尾助詞。四縣腔有 le'、le`、lio'、lio`.....等不同讀音，讀者可依文章情境，自由詮釋發揮。以下同此注釋說明。